

Մայրաքաղաքի լրագրներում գտնում ենք հետևեալ հետաքրքրական տողերը մեր երկրի հնագիտական գանձերի մասին.

«Անդրկովկասում, — գրում է Вирж. Вѣд., — հնութեան շատ հետաքրքրական և խիստ թանկագին յիշատակարաններ կան, որ 2,500 և աւելի տարի մեզանից առաջ եղած շրջանի են վերաբերում: Օրինակ, բեեռագիր արձանագրութեանց մէջ կայ մօտ 25 հատ, որ պարունակում են Վանի թագաւորների անուններ, որոնք զանազան տեղերում թողել են իրենց Երասխի հովտում և Սեանայ լճի շրջակայքում արած նուաճումների յիշատակներ. այս արձանագրութիւնների արժէքը մեծանում է աւելի այն պատճառով, որ դոքա Ռուսաց պետութեան սահմաններում դպրութեան հնագոյն յիշատակարաններն են: Դժբաղդաբար այդ հին յիշատակարանները, որ ցրուած են ռուսական Հայաստանի ժայռերի վրայ և ազատ են մնացել մթնոլորտի աւերիչ ազդեցութիւնից հազարամեակների ընթացքում, ապահովուած չեն մարդու ձեռքով ջնջուելուց կամ յափշտակուելուց: Ահա ապացոյց, նոր է յայտնուել և հաստատուել այն իրողութիւնը, որ Արարատի ստորոտում, Տաշրուռուն գիւղի մօտ եղած հնագոյն նշանաւոր 24 տող բեեռագիր արձանագրութիւնը, որ պարունակում է Վանի Մեռա թագաւորի (VIII դարու սկզբում Ն. Բ. Բ.) շրջակայ երկրի նուաճելու պատմութիւնը, յափշտակուած է: Երեւոյ Մոսկուայի հնագիտական ընկերութեան նախագահ Կոմսուհի Ն. Ս. Ուփարովան լուր է ստանում, որ այդ արձանագրութիւնը մի օտարերկրացի կտրել է տուել և տարել է արտասահման, ինչպէս նաև էյլառի Արգիշտի թագաւորի արձանագրութիւնը:

Երևանի նահանգապետը հաստատել է առաջինի մասին եղած լուրը. յայտնուում է որ դեռ 1898 թ. մի օտարական Տաշրուռունում 7 ուրբով կտրել է տալիս մի քարտաշի այդ արձանագրութիւնը (1,14 մետր բարձր. և 1,16 մետր լայն.), ժայռի այդ կտորը տա-

նում է Երևան, ուր և անհետանում է, երևի ուղարկուում է արտասահման» *:

Մայրաքաղաքի լրագիրը անհրաժեշտ է համարում, որ երկրի հնութեան բոլոր նըշխարները պետութեան սեպհականութիւն հրատարակուին՝ այսպիսի յափշտակութիւններից ազատ պահելու համար:

ԱՐԱՐԱՏԻ ԽՄԲԱԳՐՈՒԹԵԱՆ.

Բագուի հայ եկեղեցիների քարեկարգիչ Տ. Արսէն վարդապետ Խլոմեան իմ հասցեով ուղարկել էր 40½ արշին ռուսական մանուշակագոյն տեղով զուռ Ս. Իշման տեղի ծածկոցի համար եւ մետաքսեայ սպիտակ նրկու մեծ շուշիայ՝ զատկական տօների առիթով նուէր Բագուցի քարեպաշտ ազգայիններից, Վեհ. Հայրապետի քացակայութեան պատճառով այդ նուէրը մատուցի Ամենապատիւ Տեղապահ Տ. Արիստակէս Սրբազան Արքեպիսկոպոսին, որ եւ յանձնեց Մայր Տաճարի լուսարարապետ Տ. Ղեւոնդ վարդապետին նպատակին համեմատ գործադրելու նուէրը:

Պատիւ ունիմ Եորին Բարձր Սրբազնութեան սրտագին շնորհակալութիւնն ու օրհնութիւնը Արարատի միջոցով յայտնել Տ. Արսէն վարդապետին՝ որ աշխատեց եւ նուիրաբերողներին, որ իբրեւ իսկական հայ — քրիստոնէայ ընդհանուր քրիստոնէութեան ուրախութեան տօներին չմոռացան նաեւ Մայր Աթոռը:

Յուսիկ վարդապետ.

Ա Զ Դ.

Գանձասարի վանքի հանքածանօթ ջրաղացաքարերի հանքից օգտուողներին նախազգուշացնում ենք, որ փերջին ժամանակներս ոմանք Առաջանոր գիւղի հասարակ և փխրուն քարերից հանելով ջրաղացաքարեր, կեղծելով վաճառում են որպէս Գանձասարայ վանքի հանքի արտադրութիւն, մինչդեռ փերջինս եղակի է ամբողջ Ղարաբաղում մի կապալառուի ձեռքի է և Գանձասարի վանահօր հսկողութեան տակ:

* Ծ. խ. Մեր ունեցած տեղեկութեան համեմատ Տաշրուռունի այդ նշանաւոր արձանագրութիւնը այժմ գտնուում է Բերլինի թանգարանում: